

# INUIT ATAQATIGIIT

## Inatsisartuni



16. Juni 2020

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

### **Naalakkersuisunut apeqqutit:**

- 1. Illoqarfiit qitiusutut inissisimangitsut, assersuutigalugu Narsaq, Nanortalik, Paamiut, Maniitsoq, Ittoqqortoormiut, Qasigiannuit, Qeqertarsuaq, Upernavik aamma Uummannaq il.il. nakorsaqaarnikkut sipaarniarfigineqaratik siuarsaavigineqaqqinnissaat Naalakkersuisut qulakkeerniarpaat?**
- 2. Illoqarfiit qulaani taasakka sinitsitsigasuarsinnaasunik katsorsaagasuarsinnaasunillu sulisoqarnissaat annertusaavigalugu peqqinnissaqarfiup innuttaasunik sullissigasuarsinnaalernissaa Naalakkersuisut anguniarlunikku naqissusersinnaavaat?**
- 3. Peqqinnissaqarfiup aqqissuuteqqinnissaa sioqqullugu illoqarfinni nakorsaqaarneq atorunnaarsinneqarmat, illoqarfiillu qitiusoqarfiit kisimik nakorsaqaalersinneqarmata peqqissartunik katsorsarasuagassanillu inunnik assartuussinermut aningaasartuutit 2008-miit 2019-ip tungaanut aningaasartuutit qanoq qaffassimatigippat?**
- 4. Peqqinnissaqarfik inuiaqatigiinni qanimut sullissinera inuillu illersorumallugit qitiutillugillu katsorsaagasuarnissamut sillimaneq qanoq Naalakkersuisuniit annertusarniarneqarpa?**
- 5. Illoqarfiit mikinerusut, assersuutigalugu illoqarfittut Narsaq-tut angitigisut Nakorsat atorfiniffigiumallugu piumappassuk nakorsaqaqqilernissaat Naalakkersuisut periarfissaqartilerniarpaat?**
- 6. Inoqarfinni avinngarusimasuni innuttaasut pinartumik ajoqqusersimasut qassit illoqarfinnut qitiusunut assartorneqarnerminni toqquteqarsimappat?**
- 7. Illoqarfinni nakorsaqaqarfiunngitsuni innuttaassuseqartut qassit peqqinnissaqarfiup sumiiffinni mikinerusuni katsorsaagasuarsinnaannginnera peqqutigalugu illoqarfigisami avataani toqquteqarsimappat?**
- 8. Naalakkersuisut isumaqarpat inoqarfiit mikinerusut nakorsaarutsinneqarnikuunerat aningaasartuutissanik**

**sipaarutaasimasut? Taamaassimappat uppernarsaatissat kisaatigaakka.**

**9. Naalakkersuisut akerlilissavaannga oqaruma sumiiffippassuarni nakorsaarutsitsinermi aningaasat sipaarneqartut angallannermut inunnik assartuussinermut aningaasartuutinik qaffassaataasimasut?**

**10. Peqqinnissaqarfiup ullumikkorniit pitsaanerusumik innuttaasunut qaninnerusumik kiffartuussisariaqarnera, "illoqarfeeqqani" katsorsaagasuarnissaq peqqissaagasuarnissarlu peruluttunik pilattaagasuarnissaq il.il. periarfissaaq qilernissaat Naalakkersuisut sooq anguniangilaat?**

(Inatsisartunut Ilaasortaq Aqqaluaq B. Egede, Inuit Ataqtigiit)

**Tunngavilersuut:**

Nunatsinni illoqarfinni mikinerusuni innuttaasut napparsimmavinni aamma peruluttoqartillugu peqqinnissaqarfiup nakorsaqarniarnikkut kiffartuussisinnaanerata minnerulernikuunera assut eqquinerluttoq mianernartuusoraara. Taamaammat innuttaasut peqqinnissaqarfeqarnikkut illersorneqarnissaat pingaaruteqarluinnartoq aningaasartuutikillisaanermi peqqissutsitta pilliutigineqannginnissaa qulakkeerlugu Naalakkersuisut suliniuteqarnersut paasiniarlugu ujartuiffigaara. Neriullunga assersuuteqarninni tunngavigisakka, soorlu illoqarfiit Narsaq-tut angissuseqartut aamma nakorsaqarnissaat anguniarlugu sulisoqassasoq.

Kissaatigaara apeqqutit ullut qulit qaangiutsinnagit akineqarnissaat.